



九谷堂

九谷集



自序

讀古人之書如見古

人焉恨我不見古人

尤恨古人不見我也



後之人我不得而見
之矣將於我有同情
焉未可知也周公之
交也莊周感之而作

南華譚大夫之詩也
屈原感之而作離騷
甚矣哉知之難也知
其知者亦難五百年

而一遇焉猶尺晷也
千載而一遇焉猶崇
朝也天地悠_々而何
遽乎哉樂府詩余少

壯之娛也不忍棄也
雜文平生之志也非
志不錄也環書晚之
適也不有非之者將

自序
三
無是之者也斯則吾
言乎不又有無言者
乎九谷子題

九谷集

卷之一

樂府

卷之二

樂府

卷之三

詩

卷之四

詩拾遺附

卷之五

雜文

卷之六

環書 講語附

九谷集

擬古樂府

天馬歌

番禺方殿元蒙章甫著

神馬歌

天馬來從渥洼出心是龍精皮馬質天南地北不足行欲洗銀河攀赤日人不相神空相骨骨與皮同神恍惚風雲一舉謝驂驪世土孫陽心斷絕

桂之樹行

桂樹滿南山無風自搖曳月上拂孤琴幽香起羅

袂

子夜歌四首

昨日歡來時花下舞雙蝶今朝歡何去枝上啼百舌

九尺珊瑚樹翹翹立鸚鵡知儂別離恨叮嚀作郎語

鴛鴦織不成月上罷明燭合歡得虛名笑人常獨宿

千年明月鏡照妾如月娥果然絕世寶孤獨可奈

何

烏棲曲四首

井上梧桐烏獨宿金屏翠幌人如玉燈孤絃澀未成歌白露先零奈若何

菱荷香落落渚雲愁疎柳西風南陌頭不教織女嫁河鼓那識人間別離苦

百尺紅樓臨漢澣北斗闌干月三五同心縷帶合歡裳春風搖蕩鬱金香

落霞倒映銀塘水碧桃花下輕烟起千金郎意重

九谷集 卷一
難酬燈前未語一回眸

採桑度

柔柔婀娜朝烟裏遙似垂楊拂風起一叢蠶女引
枝低化作桃花映春水

碧玉歌

探情情無底報恩恩不極中心一寸丹遍體桃花
色

黃竹子歌

不作流黃篔空作鳳紋簾合歡無處所輕雲隔綵

蟾

雙行纏

小小雙行纏風蝶舞難前不因花與月一步九流

連

妍歌

粵女嬌無限翻憐桃李枝折花攘素腕先被春風

吹

桃花曲

僂紹水中開花下好俳佻恐如武陵路一公不重

作蠶絲

來派水中開
千絲得成匹
不作合歡襦
越人斷八尺
秦人斷丈餘

豔歌行

東家好女秦羅敷
十五嫁壻執金吾
千年寶鏡光
照膽日出臨粧開
茵蔯雕弓隨駕獵
長楊薄暮調絃歸
洞房燈裏合歡知
夜卷繡出鴛鴦能
輾轉不識織女與牽牛
但看雲雨楚山頭

種瓜篇

種瓜西陵上
瓜熟何纍纍
微尚在芳潔
謬爲君所知
登君金玉盤
永與根荳辭
別離豈不念
投分固如斯

合歡詩

誰言妾如花
君心似明月
蟾蜍有何好
同圓復同缺

歡聞歌

花下妾鳴機
一聲添一絲
絲絲盡鴛鴦
就歡聞知未

歡聞變歌

朱絃二十五絃絃彈妾心妾心君不取無用貴知
音

舞媚娘

沈容抑態燈前出疑顰疑笑情非一秋波不照世
中人感郎意氣一橫陳

大道曲

流鶯急嘯垂楊柳當壚十五葡萄酒祇須裘馬及

芳年不羨黃金繫肘後

大垂手

雲鬟欲墜雙眸亂楊柳從風吹不斷絲絲叩叩兩
心齊可憐羅袖爲君低

小垂手

飛燕引春來簾下少俳徊似月鉤方吐如花萼乍
開冶心舒復卷橫波去驟迴無由勤顧盼曲度急
相催

董嬌嬈

九谷集 卷一 五
陌上誰家女傾國正當時美權如滿月窈窕多容
儀雙垂明月璫雜佩何離離少年秉高尚安知中
所懷朝陽不可視敢與同車歸倉庚鳴樹巔桃李
盈芳蹊不恨三春謝翻惜百花飛

子夜警歌

鳳絃理猶澀燈花開欲成風激朱門響莫認是雞
鳴

子夜變歌

暗把珠簾捲不覺響雙釧簷前牛女星熠熠忽不

見

大子夜歌

子夜聲最悲母當子夜時此時妾腸斷未斷只如
絲

華山畿

歡何許兩兩精魂合何用作笑語
世上人芙蓉初並蒂結子各一心

春思

鶯叢蝶亂東郊道羊城兒女多妍好春風牽惹一

交眸明日相思看芳艸

攜手曲

十二雕欄相邂逅交眸倒映銀塘水鴛鴦相狎有
相離比目同生復同死

阿子

暗裏喚阿子阿子好顏容九州不肯住偏住妾墻
東

夜度娘

月出寒羅裳歸時星噤噤不惜風波難只恐浮雲

蔽

歡好曲

二七婉孌女顰笑不可當初風含齒齶紅顏方未
央

倡樓怨節

縷帶一千絲日被東風吹作笑翻宜口含顰不上
睂歌送三春酒舞醉五陵兒從來合歡艸不是路
傍枝

起夜來

殘月自徘徊多君起夜來聞聲人不見風葉墜青苔

飲酒樂

酌酒勸春與春說使花毋殘月毋缺教我三萬六千日日日樽前有花月

古曲

大道垂楊相對舞當墟小婦方三五少年不惜日西沉明月慙慙來繡戶

楊白花

楊白花楊白花飛去落誰家東風何無情吹剩空宮孤月明東風吹罷復西風白花何時還向東

江南弄

和云水盈盈何如恨妾情

江南二月花藏霧夾岸紅樓臨古渡佳人惆悵白日暮白日暮樹啼鳥兩相思心未孤

龍笛曲

和云楚山竹教人腸斷續

高臺月出江風起縹緲龍吟搖碧水慙勤玉指情

九谷集 卷一
無已情無已君豈知曲未終零露滋

採蓮曲

和云芙蓉渡美人莫遲暮

懷烟抱日水中央香風顛倒入羅裳宜擗宜笑宜
斷腸宜斷腸爲誰容邂逅歡蓮葉東

鳳笙曲

和云好歡娛兩少結相於

千種花開催曉粧後園鑽柳灸銀簧從心吹出雙
鳳凰雙鳳凰雌憐雄雄挾雌入紫宮

採菱曲

和云木蘭舟十五解風流

西日已落晚風橫纖纖素手牽紫莖如絲歷亂難
爲情難爲情不盈翁波中月誰能浴

遊女曲

和云可憐粧結伴戲瀟湘

柳蕩芳洲蘭覆渚欲逐東風無處所春日愁人奈
何許奈何許不如歸畫樓中雙燕飛

朝雲曲

和云朝復暮猿啼滿山樹

改容變態如有情因風婉轉接魂精歡娛未結起
屏營起屏營來遲遲太不辭會無期

趙瑟曲

和云遠別離各言長相思

哀絃別曲出邯鄲烏啼月落宿闌干流蘇寶帳誰
爲歡誰爲歡更促柱欲加絃二十五

秦箏曲

和云碧桃花今夜宿倡家

翩翩羅袖拂鈿蟬氣沉神歛容體妍千金一曲正
當年正當年春滿林寫新聲答君心

陽春曲

和云江南好窈窕春光早

池柳青青堤艸綠鶯啼燕語聲相續歌屏舞席人
如玉人如玉春夜長月如鉤樂未央

攀楊枝

青樓可憐妾攀此斷腸枝春風那得盡飄颻無已
時

生別離

孤燕共春朝
隻鴈同秋夕
夜卻卷施心
雖生亦何益

楊婆兒

楊婆兒春日獨照春風吹
愛君願似桃李枝
今年三月花飛盡
明年二月復芳菲

秋竹曲

檀欒偃紹臨江畔
泠泠曉露輕烟亂
昨夜西風吹一聲
蕭條涼月千砧斷

楊花曲

綺幙文窻十二樓
日日春風南陌頭
搖空窈窕楊花度
公子不來日將暮

樹中艸

女蘿語秋樹
君花結君實
不見花零實
復謝獨我纏綿共風日

春閨怨

海棠有何恨
頻將妾啼學
東風一回吹
不知多少落

山家閨怨

山南有分水移住北山陲
奈長相思艸不產合歡
枝

離閨怨

梅花對妾落已自難爲情
何況玉關客空聞笛裏
聲

空閨怨

燕心猜妾恨不忍入紗窻
歡悲各有命寧妬別人
雙

秋閨怨

月下洛陽砧聲聲是妾心
秋風奈何短吹不到雕
陰

夜夜曲

香魂婉轉步嬾姍可憐
夜夜夢烏蘭卻怪尋君不
得見書來移戍到陰山

舞就行

羅中翠袖落紛紜蓮花歷亂石榴裙
莫怪掌中輕似絮本是巫山一片雲

襍曲

銀塘楊柳半含烟
新人如花明鏡前
春風本性多搖蕩
縱橫輾轉流蘇帳
聰明鸚鵡解同心
一調一笑千黃金
攜入春園鬪百艸
含笑何如合歡好
蛾眉初月映光波
一夜清輝一夜多

清歌發

芳扇徐開似弦月
櫻桃半吐綿蠻舌
流鶯初囀嬌未調
九秋頓變春時節

三婦豔

大婦賦朝雲中婦吟暮雨
小婦歌半曲叮嚀教鸚鵡
鵝丈人被新聲朱絃二十五

名士悅傾城

十五可憐粧齒舊
出瀟湘自來負意氣
不願嫁侯王一笑奈何許
半鬢那可當撫絃寫秋思
腸斷屬周郎

月節折楊柳歌

正月歌

剪綵作兩人好女好兒郎
邂逅及芳春折楊柳含

絲未得吐鬱結不容口

二月歌

雙燕何婀娜樓臺亦何限依依只爲我折楊柳嫩
色黃金枝感君不離手

三月歌

閒作百艸戲含笑是妾容合歡是郎意折楊柳顛
倒任春風恩深若爲受

四月歌

荷葉一片雲江漢注雨滴一合不復分折楊柳東

風忽作南轍轉在左右

五月歌

雲雨結中谷朝朝復暮暮黃梅始成熟折楊柳密
葉暗長條睢鳩自鳴偶

六月歌

團團紈扇好安得長年伏日夜郎懷抱折楊柳酷
暑貞容顏護君君知否

七月歌

烏啼夜寥寥織女若肯渡夕夕願成橋折楊柳翠

九谷集 卷一
色映金塘下有同根藕

八月歌

桂香隔墻度馥馥似郎氣中心定無蠹折楊柳三
五彩蟾新搖光入窻牖

九月歌

茱萸插鬢邊爲郎插帽側鏡裏一般妍折楊柳絲
弱解纏綿葉落梧桐後

十月歌

陰陽合大冶奈何冬十月天升地氣下折楊柳小

別似千年憔悴且自守

十一月歌

冬至望陽回回時隔一寸不得感飛灰折楊柳容
華易零落爲別青春久

十二月歌

酌酒好滿杯江北雪方積江南梅欲開折楊柳且
自忍須臾陽春不相負

閏月歌

知君誰似妾梧桐逢閏歲先長十二葉折楊柳年

年重三月愁殺蕩子婦

白雪歌

博山爐中香馥馥瓊樓壁樹人如玉
低帷複帳陳文褥交眸接坐芳樽綠

曲池歌

曲池之水何渙渙
參差菡萏輕烟亂落日橫山月
在東翠袖初垂歌未半

秋思

周郎盧女隔重樓
夜夜烏啼南陌頭
兩地相思共

明月珠簾齊上珊瑚鈎

春情曲

上巳輕陰寒食雨
蝴蝶相憐復相顧
柳惹遊絲舞曲池水引桃花浮古渡
八角紗窻趙女樓一叢鶯語
王孫路多情少恨是東風可惜一年空一度

今樂歌

二八小盧女十五好花朝似柳絲初吐如鶯囀未
調花香生寶鏡風光起翠翹月戀鴛鴦幔春繞鳳
凰簫常時接桃葉無用待烏橋頻銷心裏恨一作

掌中嬌

讀曲歌

君心似明鏡妾貌生其中浮塵乍時合終不與妾

同

上聲歌

憑誰寄郎語風前莫促柱儂心祇一寸那能愁幾

許

浮遊花

輕風力不任皎皎出花林雖然一時好君有百年

心

孟珠

孟珠有寶鏡高挂珊瑚中貴能照肝膽不重在顏

容

南湖

佳人結伴似花叢澄湖南畔採芙蓉乍觸郎舟莫

相怪木蘭橈小奈東風

北渚

含情採得可憐花回首紅樓是妾家歸去南風打

船急正好遲遲弄月華

映水曲

芙蓉影畔交相望交疑交惜交惆悵雙燕垂釵本
不搖無那波風教蕩漾

當壚曲

葡萄酒熟百花香壚頭卓女搖珠璫夫婿文章照
顏色薄殺春風遊冶郎

前溪歌二首

迴風逐儂旋弱柳學儂低莫怪好腰手生長在前

溪

雖言前溪好恨住前溪西日日溪中水東流不見

歸

長樂佳

夜懸明月珠寶帳流蘇繡中有長命花千年常姍

娜

拔蒲

與歡拔蒲公拔蒲八尺長織成連理人好覆合歡

牀

採蓮曲

秦家有女年十六樓對清江美如玉春鶯啼罷捲
 珠簾菡萏香飄荷葉綠朝雲姣兮初日暉採鮮花
 兮製為衣製為衣兮結為珮慎馨香兮遺所思我
 所思兮在何處長江漫漫杳難度山多風兮水多
 雨君不來兮恐遲暮

妾薄命

妾本寒家女自負傾城姿十三能織繡十四理容
 儀十五工文翰解讀好迷詩女蘿會有托臨春感

我懷倉庚何熠熠桃李發高枝豈無君子者攜手
 與同歸如何命獨薄所怨豈良媒微軀既失所嘉
 願一朝違

團扇郎

團扇生微涼殷勤入羅袂清風亦何限感郎自搖
 曳

桃葉歌二首

桃葉晚渡江搖蕩春江水東風吹微波中渡似欲
 止

桃葉一寸命為郎沉復浮江風莫多事儂郎在上
頭來郎遊玉樹萬春為木東風吹過郎中郎

懊儂歌

流鶯作急嘒嘒嘒催春好欲好未得好不覺聲將
老風土海前題世人羅衣青風衣似別處

玉樹後庭花

含風倚日奈何春紅樓碧殿一朝新將笑欲語情
未親乍露乍藏愁殺人
金釵兩鬢垂

薄紅淺黛花釵彈步入風林齊婀娜顛蜂倒蝶心
無可不採芙蓉翻採我

泛龍舟

淮南誰道路悠悠兩岸楊枝青未休綵纜牽情白
日暮新聲繚繞水中流妖姬齊指花叢笑定知明

日到揚州

喜春遊歌

江上新春色揚州好帝家一叢殿腳女若箇是瓊
花

持檝篇

持檝復持檝春光畱笑靨未渡心先渡何勞汝相
接

翳樂

春氣滿揚州翳樂最風流曲曲從無誤仍然得郎
顧

壽陽樂

為樂好及時八公山淮南公不還
及時好為樂下蔡城高臺亦已平

邯鄲行

叢臺春滿佳風日趙女慙勤彈寶瑟有客壚頭歌
路難玉盃金盃劍橫膝

遊子移

紫驢蹊蹊嘶芳艸秦關燕市邯鄲道願教人面似
春風明年不讓今年好

邯鄲故才人嫁為厮養卒婦

桃花初照灼十五克下陳盈盈玉墀步盥手奉衣
巾時事一朝異零落若飛塵褒妃常少笑越女有

微慳從來薄命妾都是可憐人

行幸甘泉宮京下刺露飛玉樹也笑汝也休

聽鶯經五柞尋柳度千門近臣先得信明日幸甘

泉當能清御路辭輦過花前後宮能射覆方士解

祈年更有楊雄賦歸來獻至尊

樂未央

五色同心結千年長命杯上苑花無數今日報新

梅

悲平城

悲平城漢家故壘連雲起日暮淒風起白登一時

凍合桑乾水

蓮調

吳江楚水綠田田紅紅白白可憐妍怪道含絲未

會吐卻能牽罽女兒船

江臯曲

遲日光波古渡頭柳堤蘭渚杜衡州莫怪東風解

多事三春兒女最風流

烏生八九子

秋風吹枯梧其上有巢鳥中夜啼嗚嗚音聲一何
 苦生在南海之南零落北山之北毛羽憔悴身羈
 孤雖有孝名不能反哺父母生我今何補遊子行
 十年高堂日月暮吁嘻呼歸公來乎啼君君不顧
 我鳥恐化為杜宇

岐山操

辛苦作巢養育我雛誰取我巢雛嗚嗚雛無嗚
 嗚我將西徂雛無我懷有雛有母雛淚涓涓誓不
 舍汝人孰無心曾我乳哺

拘幽操

亂雲蔽日兮其早明也讒言孔多兮使我奔也臣
 道有常兮命之正也中心煩憂兮非死生也

越裳操

濟濟白雉至于越裳王德是來來不見王

將歸操

南山之鳥毛羽纍纍北山之鳥引使巢棲既安我
 巢遂食我子褰裳從之遲遲且止

倚蘭操

九谷集 卷一 三
薄馳薄驅幽谷盤桓載往載來感彼崇蘭豐豐衆
艸益委路傍益委路傍不如無香

龜山操

黝黝龜山魯國之醜昔在我前忽生我後

殘形操

無首之狸茂茂其尾不變其疑行行且止見之恍
惚不訝不擬覺知其夢占之無理

履霜操

父分氣兮母分血血既枯兮氣不接氣不接兮可

奈何履霜不知寒兮吾將訴河

雉朝飛

雉朝飛雄鳴雌人不如鳥兮老無妻負薪歸來兮
誰爲炊吾將舍此兮適西岐

別鵠操

鳴相和兮連翼棲歡未極兮事多乖今日且頡頏
明日東西飛

水仙操

波拍山兮疑春秋林冥冥兮鳥幽幽若有人兮水

九谷集 卷一
中流情忽遠兮不可求

春江花月夜

春色逐江生江上百花明窈窕花間月弄月結春情

七日夜女郎歌

三百五十九日日作孤獨何日天地合星精一處宿

公無渡河

河水泥泥無風沸飛魚鼈失勢蛟龍倒馳公欲渡

之將何爲妾言不收兮妾身隨妾身隨兮何補毋使公兮獨苦誓取崑崙一杯土塞河源兮使不得終古

春日行

流鶯斷夢連春思春風翔拂春日暉梅花墜地桃初飛燕巢無所相差池臨水自鏡信還疑整容若望調青絲有聲無歌不可窺盼艸色兮空芳菲隱傷春兮不待誰

雙燕離

九名集 卷一
海中雙燕子差池好毛羽結託爲雄雌相親復相
語慙勤拾春泥作巢畏風雨世事有萬端一旦生
離太畫梁未改色儵忽成今古春風入故宮他人
自歌舞

王昭君

步出未央門回望未央殿妾是異鄉人生死不相
見嗔天復疑天問天天不語奈何傾城姿與我薄
命女天心欲作雲天水流連下我命不能改安得
不遠嫁

梁甫吟

鑿土泰山下崎嶇禪梁甫增得魯山傷魯土欲取
秦坭代東魯東厚西薄將何補

君馬黃

君馬黃君馬黃日暮不來空斷腸去時踏冰冰不
裂今日川流清濼濼去時齧艸艸色赤昨日南風
動新麥飽麥復飽粟飲川復飲瀆何爲作羈旅日
食芻一束

上畱田行

上畱田行

九谷集 卷一
西行上畱田東行入孤竹孤竹有清風畱田水泥
濁清風吹我懷泥濁汚我足

秋胡行

晨起上高堂澣潔供膳漿蚕饑薄粧束行行時採
桑春鳩來樹間睨睨相和鳴俳佻感我懷采采不
盈筐神儀深閉抑狂夫來路傍吐言何狺狺鬼出
而狐藏黃金買我笑安知我中腸男兒旣如彼何
用有軒裳誰當爲彼婦切磋奚所將眷言我君子
五日離幃房丈夫不懷安德行終有臧女子身有

託會合安必常更聞遊宦至中情歡未央如何前
相見翻使妾心傷

秋夜長

淒淒者風胡不自東不自南不自北吹我井上雙
梧桐梧桐昨夜飄孤葉夫婿從軍入窮髮兩地相
思不相見愁雲共掩關山月飛鴻不我顧海燕辭
巢空帷蟋蟀鳴長夜漫漫誰與語奈何含愁向
天訴蒼蒼無雲復無雨西有牽牛東織女

苦寒行

九名集 卷一 三
殘年落日大雪飛天地閉塞色慘悽五侯宅裏盡
瓊樹翻使臺榭生光輝都梁香滿灼獸炭鐘聲沉
沉低翠帷吳姬起舞唱白雪錦裳颯纒多容姿訝
道高城寒不入那知隣女織無衣

雞鳴

皎皎鳴雞列宿西垂人生百年會有極芳華壯盛
能幾時嚴冬慘烈雨雪霏霏何不低華帳擁吳姬
酌醴清歌調素絲上視倉浪天運化時參差下顧
里中兒身上無完衣高堂崇讌會一人向隅悲安

能沉荒曼衍自爲樂塗山遠矣吾安歸

中山孺子妾歌

桃花色正穠鶯鳥聲初囀方君得妾時顛倒難爲
遣妾貌未及衰君恩已中變朝愛令人妍暮憎令
人賤愛憎竟誰是君心宜自見君心不自見妾命
何足怨

久別離

憶昔君去時由此東郊道相思倚樓前幾度見春
艸人生非明月焉能長皎好鷓鴣一朝鳴涼風振

枯槁妾腸已斷絕君心安可保

石流

石流日漸漸刮石石無骨眼波猛於水人心不如

石

黃鵠曲

黃鵠飛復飛離天只一尺終當入天去不向人開

息

烏夜啼

妾到燕支山山下旌旗亂君騎紫騮未得語啼烏

一聲春夢斷儵隔關山天下半烏啼作風淚作雨
落盡容華天未曙

遠別離

嘻呼悲遠別離桓山之鳥生四兒艱難毛羽始成
就各自東西南北飛東西南北路多阻從此行今
慎羈旅朝多霜今暮多雨毋我思今使爾苦黃河
不見西還水爾縱懷歸我何似嗟哉宦遊人莫晒
浮屠子

天行篇

安得天行遲日月相追隨三萬六千日日日備四
時春時對酒夏時臥秋時行樂冬時歸戰國一年
秦一月黃河之清豈無期

釣竿

東海有長鯨縱橫噬神鯉雲雷未有時因迫歸河
水釣竿相憐念不忍與之餌遇妾河西頭其尾何
纏纏思子不可見見之如見子

棄婦篇

十五爲君婦君我畫樓西種得一樹桃綠葉何芳

菲春風十二度丹華曄離離華好苦不實大義當
分乖君愛未終極念我無罪非行行遠相送北到
河水湄鴛鴦相啄浴驚浪分雄雌雄雌分有合妾
行何時歸

車遙遙篇

車遙遙上河橋橋下水連海潮潮來何泚泚人乃
不如水尾生好男兒肯爲負心死

女怨詩

父母愛未極決絕嫁異國容華尚如春夫婿有新

人
簫史曲

一自簫聲遠空畱鳳女臺寥寥天上曲何處覓良媒

青驄白馬

青驄躩躩白馬嘶朝走章臺夜不歸章臺道上春日好怨妾樓中鶯日老首蓓花新風滿懷嫋嫋連枝吹不開誰將百結同心縷繚繞馬蹄不教去

白頭吟

君到南山上試看雙鳳凰雄憐雌窈窕雌愛雄文章憐愛隨日長不顧水鴛鴦鴛鴦欲巢鳳凰樹君有他心默無語默無語妾自苦爲獸毋作鼠爲人毋作女得意失意時不能告父母執君袂酌酒與君醉今日見君面明日見君背日月至高位三五相望六五會世上人難與富貴

東飛伯勞西飛燕

伯勞飛燕年年見菖蒲花好人空羨白雲山麓粵王臺婀娜東風吹落梅朱樓碧榭黃金屋珊瑚樹

下人如玉明月三五百花鮮風流顧盼正當年那
堪粧罷掩明鏡二十五絃彈薄命白雲山猿

遠期

遠期萬里客飛鳥作消息正月發南海二月到遼
北江淮有舟楫不敢憚登陟黃姑立河西天女河
東織日日能相望欲度無羽翼

上林

離宮四百里牛女出神池漢代方無事天子樂驅
馳雖無非熊夢載彼後車歸猶幸相如賦一旦得

同時

湘夫人

南望零陵淚如霧九疑峯頭使人誤一曲雲和奏
不成洞庭波湧瀟湘暮

南郡歌

不見滔滔江漢水蕩漾南郡幾千里聞道巫山有
雨雲無復荊王舊城市峯迴香無散絲博無雲

女兒子

巫山巫峽三聲猿一聲未斷楓林寒

一聲兩聲風涌波三聲連啼可奈何

巫山高

巫山巫山飛鳥度十二峯頭杳無路終朝無雲暮
無雨茫茫神女歸何處襄王不來宋玉去落日猿
啼滿山樹

江陵樂

楚歌起漢浦楚舞出江頭但看歌舞好那見水東
流

三洲歌

晴雲掩朝日那能長不開西風解儂意催郎渡江
來

那阿灘

送郎那阿灘郎心水中石恐過兩三程水深幾千
尺

江陵女歌

蜀江與隴漢相去幾千里何意中路間邂逅作連
理

石城樂

婆娑石城下婉婉新歌曲日弄滄浪水不知清與濁

莫愁樂

綺疏五色紗窈窕莫愁家不在石城住那信菖蒲花

大堤女

大堤春明花簇簇花下女兒顏似玉年幾二八頗有餘海日乍吐朝霞舒游絲繞空不着樹倉庚飛飛啼日暮慙勤漢水合江流未到大別還是愁

襄陽樂

峴山吐明月流光盈漢浦神女夜夜遊誰人似交甫

陽春登荆山行

楚山何淡澹楚水何逶迤楚山臨楚水春色正遲遲花明山鬼笑葉密峽猿悲湘靈清瑟動神女綺雲飛無由見屈宋惆悵結辛夷

洛陽道

洛陽大道春色多葡萄芍藥照銅駝三市風高羣

挾彈九衢月出尚鳴珂莫愁採桑還未嫁潘岳回
車奈果何日暮綵雲搖洛水宓妃羅襪自凌波金
谷園中歌舞低須臾樓下艸萋萋莫向天津橋畔
過東風曾有杜鵑啼

金谷聚

金盃如星酒如雨舞袖紛紜日將暮紅顏不用苦
畱賓一入花叢自迷路

石崇金谷妓

玉笙金管七香車半春行樂卽君家一叢紅紫爭

腸斷那知更有菖蒲花

江南

大江南水爲籬山蕩漾合復岐蓮花妍菱蔓肥春
意早秋容遲使人樂使人悲客子遊不顧歸

估客樂

家住在橫塘行役上襄陽襄陽大堤女不如君所
取知君不忍別一夜西風烈知君歸思濃江漢共
流東

尋陽樂

少小好兒女同住潯陽城迢迢九派合無情尚有
情

夜坐吟

微風調調落松子碧梧陰外月如水遠樹烏啼啼
不止寒蟬蟋蟀聲相倚殘燈惇惇影嫌已博山爐
塵香不起空帷浙浙生疑似深坐鳴絃絃不理

未央才人歌

夢魂正飄蕩下女促凝粧日晏趨朝罷傍柳繞銀
塘比日搖波影同帶結蓮房戲把碧玉簫吹出雙

鳳凰

李夫人及貴人歌

離宮三十六選色盡幽并玉貌無窮極人事有枯
榮君恩如滿月欹器詎長盈幸畱歡燕夢恍惚似
平生

河曲遊

風流鄴下佳公子閒引多才讌河水簫管休吹舊
樂章新歌縹緲隨風起遺簪解珮倒金罍西園月
上好歸來誰道平臺賓客散後來無處覓鄒枚

寒夜怨

重幃無力寶帳涼錦衾憔悴雙鳳凰可憐搖曳空
中雪一墜寒階暗銷歇

安定侯曲

四海無烟不事武新襲侯封年十五當今天子誓
山河幾處名都選歌舞

蜨蝶行

蜨蝶一尺羅浮之山朝遊丹桂暮宿芳蘭來爲君
舞文彩翩翩因風映日體狂意閑莊周夢太又到

人間

入塞

漢武欲開邊十萬壯丁出生還實僥倖不敢悲白
髮亦知己無家且得別骸骨尚有欲歸魂毋使旌
旆疾

出塞

青艸舊邊城茫茫夜月平英雄多少恨笳吹兩三
聲

明月子

明月不勝秋那堪千古愁人間離別處夜夜上簾
鉤

陽春歌

空有香風有光憐朝媚夕樂無方花解笑兮月能
藏宜顛宜倒宜斷腸懷春時約春期蕩春日滂春
思春欲謝君未知

飲馬長城窟行

長城窟水清中有血馬渴欲飲聲嘶絕生從大宛
涉流沙三歲南征還北伐陰山夜雪鐵衣寒紫尾

脩脩綠毛折夜半風吹橫笛聲悲來蹊蹠關山月
萬里長征人未息十年身老洮河北前軍昨夜戰
城南蹄緩翻疑鼓無力奮身報國自有時時衰空
使烏鳶食將軍白髮智尚雄老馬在陣無顏色

芳樹

二月艷陽天芳樹花如縷春風自搖曳好鳥相鳴
偶王孫繫紫驪節舞歌絃奏顧視青松色掩然衆
芳後歲晚盡搖落亭亭出巖岫始識天地心無華
者能壽

權歌行

三江如落瀑千里奔海門
滙浸羊城下蕩漾寶珠
圓桂樹持作檝木蘭爲
畫船朝浮荔支浦暮泊
素馨田海潮隨月上漁
唱順風旋棹入西濠裏
臺榭白雲邊長楊低拂
地清管遠從天宋玉墻
東好羅敷桑下妍鴛鴦
各解戲鸚鵡盡能言今
日桃葉綠明日杏花鮮
人生重娛樂富貴如浮
烟權女彈新曲公子好
流連

貧賤愁苦行

末位爭攘竊貧仕久無官
吁嗟窮巷子已矣復何
言耜薄山耕拙螢稀夜
績難尺縑酬斗粟克饑
那免寒悲風飄朔雪長
夜猶漫漫自非戰勝者
誰不撫膺歎

隴頭水

隴頭一何高流水何悲咽
流水一去不復回地久
天長長斷絕長斷絕人
在秦西家在越百折終
教到海東慙勤淚滴關
山月

臨高臺

九名集 卷一
臨高臺臨高臺南溟六月長風來坡山日出鐘聲
起碧流澹澹珠江水荔支新浦錦爲叢素馨古渡
香成市朝烟宿翠遠濛濛亭亭甲第出雲中朱樓
十二鴛鴦慢繡戶參差楊柳風碧瓦冠山藏翡翠
銀塘引水種芙蓉苑內看花將試馬堂前列鼎待
鳴鐘黃木灣頭新月暉白雲山上落霞飛雲屏半
掩傳歌節翠幙全低換舞衣仙居無讓浮丘子延
年何用羨安期蒲澗香風吹不休靈洲佳氣自千
秋亦有越王臺畔艸歲歲年年向人好

採桑

十五嫁金吾蠶饑春又都過堤花盡落倚樹烏齊
呼籠織湘妃竹釵啣漢女珠莫輕淇上妾中自有
羅敷

北風行

邠連山頭北風起一夜凍合交河水龍鼉潛伏鳥
不飛慘日愁天千萬里鐵馬長嘶一兩聲啾啾鬼
哭黃沙裏笳吹中斷鼓聲沉十萬軍人壯心死吹
入長安戚里中貂帳寒生歌未止

九名集
卷一
迎客曲

玉簫錦瑟參差作銀燭華燈映金爵青娥二八兩
行齊薄笑含羞邀上客

送客曲

妙舞遷延接妍唱星流月墜清波上登車駟馬重
徘徊後會無因各惆悵

鞠歌行

江之水平無瀾那知中有螭龍蟠艷陽節桃李顏
那識青松凌歲寒駕欵段驥同轅追風逸足爲盤

跚鐘期太撫琴歎絃中流水空潺湲嗟已矣復何
言誰能蛇行七貴門

折楊柳

二月天津水佳人折柳枝青青腸自斷何用東風
吹伴妾傷零落同春感別離紅顏憔悴盡邊地始
萌絲

閨怨

娉娉柳枝低東風又轉西杜鵑那似妾能作四時
啼

征怨

怯把金錢卜春殘不道歸昨宵看月暈還是幾重

圍

雉子斑

錦臆何陸離山梁自遊戲非獨耿介性觀時知太
避百步始一飲饑渴不失志寄語爲士者相見思
爾贄

前有一樽酒行

爲君沽美酒莫厭頻頻酌一樽猶未傾多少庭花

落

關山月

關山月難圓何易缺清暉愁恨多照盡古離別古
離別西在烏蘭東竈突竈突烏蘭何處尋銀河搖
動夜沉沉珠簾半捲哀絃發梧桐影下拭寒砧征
衣擣盡飛雙淚願逐流光入邊塞烽火宵來轉戰
深黃塵黯黯知何在燕支山頭皎如雪瀚海風高
夜沙白劍花光亂鐵衣明隱隱黃河轉成血秦軍
戰罷漢軍來夜夜嚴城數聲笛

行路難三首

日西月東橫天相望月悅日心顏容光漾期在六
五陰陽摩盪悠悠夫壻無背無向

少年識少年相逢灞陵野把酒未及飲鳴天相瀝
灑爲君意氣盡光日赤如火寶劍脫贈君遺我紫
騮馬後來各貴賤賤者如墮瓦遂似冬十月天升
地氣下世態盡如此君子交獨寡

周之賢臣尹吉甫子樂得之以爲父大舜聖人考
有瞽伯奇安能變讒母日有蝕今天須補父本慈

今忽而怒朝堂闕今暮羈旅羊腸鳥道當門戶衣
荷衣兮寒難絮食檉花兮咽不語天無私兮嚴霜
雨晨起履之足無屨一曲未盡絃催柱河水洋洋
苦復苦賢父有子如水火况士不逢堯舜主

遙夜吟

蟋蟀不識合歡牀十月悲唸唸夜長不奈含啼攬
衣起孤鴈一聲殘月裏

登樓曲

千里平江春習習細艸青青滿原隰燕子多情自

早來明月無心亦先入

朱鷺

朱鷺不吞鯉神龍聞之喜
竇鳴犢舜華實薦趙簡子
得志而殺之投桃不報李
傷我尼父心欲行且復止
河水雖洋洋中有風波起

杞梁妻

鬼雄有直氣奔天不着地
不如城上土猶知妾心苦

河中之水歌

河中之水西引洛日夜東流更回薄
天津橋上嬌女兒腸斷繁花开便落
三月東風難入肌百丈遊絲空不着
宓妃羅韞日凌波脚蹶不見思王作

將進酒

進君酒佐君歌天高厚地人生幾何何
用擧啼富貴追風顧日悲蹉跎今日麒麟
殿上賜錦鳴珂出禁門策駿馬左顧右盼
青春多歸來蘭堂月上燭藏蛻我佩裳
侏昔時影那見眉髮增輝光取雨澗稼
穡雨多損農力黃金溢衣食熠熠成鬼域
百

九名集 卷一
川東流流不息但當飲酒美顏色

姬人怨

誰言一寸愁心小二十五絃彈不了清商曲半雨
瀟瀟一度芳紅落多少

生別離

艸長花落啼子規鳴絃不理下羅帷那當顏色芳
菲日坐對春風生別離

枯魚

難平復難平枯魚問網罟不聞得鯨鱣空使魴鯉

苦

婦病行

婦病泣夫壻爲妾謝新人新人自憐君兒是君所
生君生君有他妾亦無奈何

孤兒行

上天耶地下無我孤兒苦縱兄不娶嫂不如見父
母

愛妾換馬

嗜日嘶風紅叱撥目似火齊汗如血屈膝金屏出

美人邯鄲下蔡皆稱絕英雄有事在烽烟紅粉生
離未足憐願將妾織鴛鴦錦裁作銀鞍滿月韉

京兆歌

寶劍雕鞍出鄆杜西走長楊日方午路傍睥睨欲
知名常隨萬乘驅狐兔回首春風滿狹斜不如歸
公富平家市上醍醐且莫飲下馬一食青門瓜

薄暮動絃歌

碧樹如烟紅日沒金屏半掩新聲發一曲前溪奏
未終婀娜花釵上明月

採茱萸女

誰家女兒洛城東九月九日如花叢爭羨茱萸解
時節離離朱實感秋風交加橫鬢寶釵斜遷延笑
上七香車清塵直指紅樓公碧梧垂柳正藏鴉

擣衣

金井梧桐葉未脫離閨早覺西風發輕將錦石擣
征袍趙瑟秦箏一齊歇巫峽三聲墮淚猿杜鵑二
月啼歸血何日寒衣到玉關先寄愁砧與明月

歸風送遠操

九名集 卷一
清風起兮雲在天
顧羅裙兮錯編褰
毋我畱兮使
余仙

燕歌行

北風捲雪畱空庭
倉庚一鳴蠶女驚
幾日瀟湘歌
采菱須臾桐葉墜
雲屏容華落盡鏡
冥冥流黃中
斷織難成博山爐
塵香氣零夢回碣
石月笑笑二
十五絃訴湘靈
闌干織女難爲情

順東西門行

桃李朝搖綺
陌日暮東風稍零落
桂滿影三五夕

二八蟾蜍露清魄
寒食節春照灼
杜鵑啼苦儵寂
寞對相於盈盈酌
唐禪秦爭祗如昨

仙人篇

太華之巔玉井蓮
蓮花十丈多神仙
但見鬚眉似
周代不知生長在
堯前
昨日吹笙朝玉京
今朝乘霧渡滄溟
有時化作千年鶴
朝宿驪山暮茂陵

王子喬

王子喬王子喬
七月七日緱山上
跨鶴謝世遊
逍遙笑殺黃姑與
織女
年年今夕泣烏橋

自君之出矣

自君之出矣無復舊時心思君似絃柱一促發哀音

自君之出矣愁影自慚形思君似桐葉秋至最先零

自君之出矣不欲對春暉思君如杜宇啼血爲催歸

自君之出矣明鏡爲誰容思君似江水一滴盡流東

銅雀臺

臺高月似霜三五翠蛾長望極西陵道蒼蒼樹色涼百心齊促柱同恨各分香不是平生曲英雄亦斷腸

羽觴飛上苑

殿閣報新梅歌屏滿月來三春合歡酒千年長命杯金錢含笑擲藏鉤帶醉開下方羣士女一道踏歌回

艷歌何嘗行

富貴何嘗我樂難忘家何處洞庭傍肥田一頃百
樹桑十八擢高第掉頭不就官大婦工文翰小婦
冶容顏岷峨雪銷雲夢連天泛棠舟歌采蓮華的
的葉田田澧蘭湘芷何便妍君山月上娟娟斑竹
窈窕含烟東風忒西風旋吹罷秦簫詩百篇

蜀國絃

高張促柱聲填填山木颯颯啼夜猿孤鶴忽墮明
鏡前黃帝聞之更減絃卓女未嫁心茫然天子倏
變爲杜鵑

晨風行

晨風宛轉吹桃李蝴蝶欲棲不得止顛飛倒舞正
斷腸無數殘紅落江水

蒲坂行

天上南風下蒲坂蕭索卿雲吹不散一朝天子作
南巡縹緲琴聲何日返太行峯高杳無路望斷蒼
梧在何處日暮湘江飛暗雲知是娥英淚爲雨

內殿賦新詩

千叢花樹百羣鶯蛾眉歷亂寫春情歌成正得君

王笑殿前絃管盡新聲

內照翅藻新

蘇林神女日暮歸

南漢梁朝天子

秦皇南天

蕭瑟絲

西園雜詠

氣風旋

九谷集

九谷集

番禺方元蒙章甫著

擬古樂府

名都篇

紫闕似天居大道平且直少年好裘馬一旦無顏
色漢文尚質樸公卿公華飾猶有洛陽生感慨長
太息

白楊行

白楊風颼颼能令生者愁愁人古無數於此同歸

九谷集 卷二
休借問塚中人今已忘情不還能愛石槲曾解樂
瑕丘

長安少年行

功名在遊獵志氣齊雲霓東郊春艸綠白馬爲嬌
嘶二八羽林郎三八擁旄麾人生取富貴當及日
未西窮經得晚達猶如錦在泥誰羨鷹揚叟八十
釣磻溪

梅花落

上苑花穠十二月冉冉飛來香不歇清冷不倚東

風力搖曳金門上瓊闕皎如明月懸天上頓令玉
女無顏色東園桃李亦飄揚誰能上下凌霜雪

日昇歌

白日一片影朝朝出扶桑昔人與來者不見可憐
傷

閻闔篇

漢家皇帝貴雲裏九重居雌風滿原野那能上玉
除世曹皆豪俊頡頏當天衢太平日見告無用賈
生書

紫驪馬

雙瞳熠熠尾颯颯玉鐙雕鞍金匝匝百戰功高氣
不驕耻向章臺逐遊俠成材倜儻誰可騎嫖姚入
塞凱歌時莫因大宛胭脂汗錯道將軍是貳師

臨江王節士歌

北風颯颯江水怒白虹橫天日欲暮蛟螭呼吐生
寒雨萬里長波誰敢渡節士徘徊心獨苦悲歌拔
劍出門去不使長鯨當大路

白紵舞歌

春風窈窕日遲和燕喃蝶舞黃鶯歌重樓複閣連
紫霞百花香亂搖綺羅後園晚宴樂方多美人中
坐朱顏酡揚袖起舞紛娑娑素巾颯沓雲鬢斜將
畱欲往回微波同心寶帳綴瓊華恩深情結心無
他月沉星疎如樂何

杯槃舞歌

舞杯槃合坐歡翻手覆手如迴瀾雲沉月落宿闌
干將墜未墜羣動顏從容顧盼危者安武溪灑瀕
太行山增繳羅網橫人間杞人日憂夸父死智士

居之如弄丸今日當樂且爲樂不見古今行路難

上陵

思難平歌上陵當日漢高祖提劍定秦京艱難睢
水戰晚困於白登雖貴爲天子一生亦苦辛長樂
住未幾便房夜冥冥關東徙豪右春日玉珂鳴陵
上寶繁華不知陵下人園寢二百年蔓艸雜荆榛
幽幽狐兔穴牧豎歌無情玉神出人世見者爲涕
零

君子有所思行

紅日出滄海流光入關中天闕起朝霞照耀王侯
宮狹斜通大路臺閣何玲瓏朱門各列戟鼎食自
鳴鐘趙李承新寵衛霍豎奇功須臾門第變春燕
泣東風當年被禍者高枕臥寒松南山有舊宅蘭
桂自成叢

獨酌謠

獨酌復獨酌獨酌何如樂酬獻易疲神言笑多強
作杯中飛片雲樽前立孤鶴醉後仰天歌山花幾
開落

九名集 卷二 四
陌上桑

好日有懷欣欣吾行麗服窈窕採桑城陽選葉而
掇不必盈筐愛從妾手非無斧斨食我春蠶織我
流黃服我君子儀容生光南山有鳥名曰鳳凰對
食竹實和鳴頡頏雄遊天上雌遊人鄉日暮歸巢
將翔將翔凡鳥眩戀嘈嘈路傍

修成歌

有地無天有月無日永巷沉沉春不人枯樹烏啼
風瑟瑟

君馬黃

君馬黃臣馬赤黃赤色別中心一昔服鹽車上太
行蒙君翦拂生顏色誓立功勳報知己掃盡黃塵
開白日壯用其力老莫捐不見千金猶買骨

空城雀

朝烟莽莽生荆杞當年大道馳公子爭飛銀鉤彈
金丸使我窮棲蓬艾裏那知朝市一朝變春燕高
巢尋不見纔得飛飛上綠林不畏羅家復何羨

清涼

坐廣殿兮臨曲池
啟閭闔兮捲翠幃
芰荷香兮楊柳垂
南風來兮如有期
君恩大兮獨自私
握團扇兮未忍離

芙蓉花

水光淡澹香風發
有美一人來恍惚
露濕江妃明月珠
烟含洛女凌波艷

還臺樂

清絃欲斷未斷
左右橫陳樂方
月上蛾眉婉變風
來舞袖顛狂美酒
金杯緩酌春夜
沉沉未央

采芝操

箕山萬仞不辨堯舜
商山一半不辨秦漢
采芝一掬不食爵祿

白馬篇

白馬過平樂
雕鞍金絡頭
初月生繁弱
彩日照吳鉤
路逢劇孟輩
斗酒相綢繆
發憤在公義
不屑報私讎
烽烟一旦起
引爲壯士羞
疾呼倡衆怒
橫行分國憂
丈夫感知已
志不在封侯
結客少年場
行

金玉飭駒駉翩翩歷五都相逢看七首不用問家
居探丸北郊道白刃有歡娛睚眦不可干始得爲
丈夫封侯自有命何必讀陰符

蓮歌

出水日初含波風舞不堪從來可憐意都在大江
南

千里思

夫婿能來夢長征不改顏誰言千里遠夜夜到陰
山

長相思

長相思畏人知西山砥東海菑此恨難絕衰路之
阻馬駢駢江之長棹委蛇天之上乘雲飛淵之下
揮龍追戲噫乃獨與君隔世苦我雄不雄今雌不
雌乃獨與君隔世苦我雄不雄今雌不雌長相思
天知之

艾如張

黃雀黃雀頻太息不敢高飛畏彈射毛羽纍纍音
喑喑饑啄枯桑還艾側羅家於爾無相厄不殺鷹

鷓鴣徒見逼拔劍擊羅羅家柰何黃雀飛飛去去此
春風多

咄咄歌

咄咄復咄咄來者如今今似昔長安大道古時春
無數繁華送歸客

當墻欲高行

山澤不作雲日月寧蔽昏讒言不悅耳賢哲寧沉
淪庭前有屈軼佞人無肺肝空爲軒轅出天意可
長歎

苦思行

本是秦山雲分飛入吳越同心各異縣夜夜望明
月

出自薊北門行

漁陽遊俠多少年東風繚繞珊瑚鞭寶劍光芒照
春色彎弓挾彈何翩妍五侯七貴數經過緩舞低
歌柰樂何紅塵一起白日暮蕭蕭易水生寒波

昔昔鹽

九華寶帳綴流蘇雙懸明月照珊瑚孔雀屏中頻

對舞鳳凰簫裏急相呼紫驢玉銜青絲絡嬌嘶細
蹀多輕薄香烟不上博山鑪獨卸紅粧對花落

長門怨

黃金無故買文章翻覺從前恨未長好似孤猿巫
峽上三聲啼斷盡沾裳

定情歌

有美人兮雲中願相從兮日東結寸心兮成虹託
夢寐兮難通笑凝眸兮迴風蛾眉顰兮忡忡欲自
往兮省躬無蹇修兮命窮

邊居行

越裳歸去後海波涌如山漢文一紙書拓地南海
間千年作家室一旦遭播遷孤兒棄路傍弱母渡
無船邊地何蕭索千里生菰蒲珊瑚與文甲依舊
滿通衢

磐石篇

磐石託崇山終古長如此北土徙南根甘橘將爲
枳蕭曹太豐沛安得風雲起何世無英雄沉埋以
沒齒

驅車篇

驅車去幽薊南征過大梁浮雲塞平野羈旅多感
傷昭王與信陵古墓艸茫茫賤士無顏色寶劍失
精光斯人不可作已矣復何望

夾樹

廣衢兩路植長榆莫愁十五對門居屈膝金屏白
玉樓流蘇寶帳珊瑚鈎不信巫神解雲雨夜夜欄
杆望牛女欲憑飛鳥陳辭說百舌反覆鳴鳩拙

長別離

別離長參與商柰何骨肉各一方天長地久何茫
茫十日空畱一滄海出柔桑床琴雖格象二嫂倏
沉湘鴟鴞悲不盡豐鎬卒淪亡悔殺當年爲睚眦
不得相攜餓首陽別離長摧肺肝

楚王吟

章華春滿鳥綿蠻下蔡城中獻玉顏傾國蛾眉未
承寵君王前晝夢巫山

玉階怨

忽覺珠簾半欲垂昭陽明月映空墀東風無故飄

魂夢猶是春園避輦時

白鳩拂舞歌辭

颯颯拂舞霜飛雪下白鳩何來是鷹所化因風作
擊以秋爲殺一蛻形骸翻成大拙叮嚀田間布穀
布穀太欲少營定偶一宿七子一巢天雨逐婦日
食不噎使我年壽

桂檝泛河中

八極無烟孤月白水盡離天只一尺今夜乘流上
白雲定懷織女支機石

西門行

西門之郊白鹿呦呦西門之池菡萏離披西門之
野牛羊夕下西門之道莘莘芳艸西門之江鯉魚
肥何羨蘭英炙薄耆麻鞋短褐中無愁何羨駿馬
被輕裘一身乘化來復太何羨仙人王子喬

幽澗泉

幽澗深泉無聲終古茫茫流不斷春去秋來孤月
明百仞崖立飄風不及水清見髮魚龍不入澗上
行人空復情喜者狂歌悲者泣

秋思引

十二青樓三五月碧梧陰下清砧發西風吹斷兩
三聲雲中隻鴈哀離別

鬪雞篇

從容就行列芥羽如雲張發憤兩背裂雙距動鋒
芒竦身入霄漢審機復來翔微志不可辱當敵神
氣揚場中諸少年徒有寶劍光

種葛篇

種葛在中谷葛生何縈縈得克君下陳分薄心未

亨芒芒列宿光小星黯無精綵衣應時御蘭佩及
朝馨薄姬無管趙蒼龍夢難成獨負當熊志空抱
避輿情

發白馬

清晨渡白馬還顧望大伾大伾高有極我行歸無
時平生負志氣僥倖非所期寶劍自有光不籍珠
玉輝素願逐李廣無心隨貳師功名且不顧富貴
何足私

獨祿篇

獨祿水深漭漭濁泥人生何辜遭此罟羅呦呦野
鹿苹食其麇非無良弧不忍射之君有兩劍出入
君懷聞君不平雄悲雌啼龍欲升天無雲安施子
胥非吳何能鞭尸王哀哭墓坐不面西時不可爲
使我心悲

平陵東

平陵東起西風樹木靡山巖從鯉不烹化成龍寧
鯉死毋作蟲雷逼迫電穹窿翟義公爲鬼雄

從軍行五更轉

一更起嚴角星宿紛錯落擁節上高臺橫劍看太
白

二更山月躍團團滿蟾魄引弓作月勢一箭穿虎
石

三更橫笛怨窮寇全營遁捲旗間道追倏忽掃月
暈

四更作雷電饑敵急挑戰將軍臥不起賊命如晴
霰

五更雞鼓翼將士有怒色下令殺牛羊滅賊好朝

食

登城怨

秋色落邯鄲
睨北風寒
況復長城下
蕭條萬仞山

孀婦吟

本是連枝樹
南枯北忍榮
雲迷牛女影
簫失鳳凰聲
共淚惟湘竹
分憂有杞城
舊時羅幌月
從此爲誰明

有所思

有所思欲與君相知
君來如電不可延
睇君去如春驥不可追
君留如雲匪我之思
君心如日月可影不可掇
雖則不可掇寧待我言說

鵞鴨塘上行

鵞鴨在池上
同飲復同浴
一朝讒間生
雄飛雌獨哭
昔日作君心
今爲皮與肉
皮肉非不親
思斷誰爲續
角弓置池中
筋絲勉膠漆
根株一遷徙
北枳本南橋
君愛芝蘭花
棄我沉香質
香質無變移
花好多不實

飛龍引

黃帝鑄鼎於荆山鼎成有龍垂鬚髯黃帝騎之飛
上天天子不若爲神仙大臣得隨小臣賤抱弓悲
號不可攀柰何宮妾盡昇公使子少昊畱人間

半路溪

梧桐風起花含露佳人惆悵白日暮眸交魂結兩
相於秋水澹澹柰何渡

田飲引

五畝之宅百畝之田長阡廣陌林木芊綿春流脈

脈新苗如烟攜朋引侶席艸陳筵一觴一酌各得
其天笑言燕婉酬獻連翩醉歌一曲月上娟娟今
晨往矣明日依然

相逢行

相逢復相問君家在阿那我自識君家君家在狹
斜狹斜好門戶君家最豪華門前雙梧桐日下影
婆娑重門上高堂白玉何嗟嗟青樓一十二綺網
相交加東隅對御苑窈窕接虹霞時有香風起日
暮朱顏酡孔雀列翠屏鸚鵡調新歌陽春二三月

九谷集 卷二 五
千樹櫻桃花花邊有曲沼舊是李斯家

滄海雀

海上天地寬忘卻一身小飛飛寸腹滿無多不知
少側聞大秦國拓地盡四表稻梁雖塞野羅網日
繚繞守形如莊周尚逐雕陵鳥

登名山行

獨抱太古意不能自拘曲浮海有風波相期在靈
嶽兩壁俯清澗千仞垂飛瀑崔嵬翠石峯蒼然出
喬木古蘚積幽巖新風蕩空谷石梁挂孤猿有人

騎白鹿鳥異世間名艸盡仙家藥丹桂獨爲林綠
蘿自成幄時節不復知看花變山服身立白雲外
果然喪榮辱

羽林郎

二十羽林郎皎好如朝陽雕鞍紫駟馬寶劍千金
裝直上麒麟殿隨獵出長揚日暮過平樂歌舞少
年塲家居左馮翊青樓大路傍中有人如玉三載
懷離傷不惜沉香質翻憐桃李芳莫學秋胡子近
家調採桑

秦女休行

秦家女休年十五市上報讎山上捕兩刀夾頸視
不俯赦下徐徐出網罟盈盈歸太燕王府薊北少
年俠且武寶劍雖光面如土

行行且遊獵篇

誰家紫驥蹏如鐵玉環金絡朝遊獵沛艾初風蹀
殘雪黃獫蒼鷹一時發山鳥爭飛獸爭滅葉落巢
摧枯艸折雲中飛毛野流血翻盡西山狐兔穴今
日揖與少年別明朝殿前受旌節

勞歌

賤者如車輪輾轉塗泥中日月雖至貴暮西朝復
東歎息古人亦如此白楊枝上起西風

三光篇

勞勞三光東西于道朝朝暮暮少者忽老

山路吟

兩山巉巖兮石崕礧樹木蒼蘢兮桂花發中有一
人兮獨怡悅白雲婆婆兮撫明月

落葉哀蟬曲

九谷集 卷二 七
環珮兮朦朧相期兮夢中有懷兮難通蕭瑟兮空
宮鳴蟬助余之感傷兮泣零露之秋風

長安有狹斜行

狹斜有南橋曲引御溝水狹斜多東風時聞御香
起當陽有大路遠濶直如矢日出作黃道萬民所
瞻視一旦浮塵生君門如萬里

班婕妤怨歌行

我有一疋帛四入始成赤泮手作裳衣表我君子
德艷紫奪時日棄我如瓦礫悔藏寶篋中不敢變

顏色水火有生尅異君時察識

野田黃雀行

黃雀諍鸚鵡微物各有真爾有何補益巧舌媚世
人居處彫籠裏所食皆美珍依倚王侯寵意氣多
驕矜我本野田雀喑喑自爲音飲水啄遺粒所取
世不爭逍遙蓬蒿下亦復得此生

壯士篇

俠客好裘馬壯士有心肝埋身屠狗中慷慨恥探
丸王侯意氣薄豪利不可干畱身報知己一諾如

丘山

秋蘭

秋蘭媚白日芬香上阿閣佳人懷新歡臨風盡娛
樂羣物有邂逅微尚得所託多少空谷中無人自
零落

泰山吟

生時上泰山豪氣橫九州一朝別城市塞默還茲
丘螻蟻邀我隣狐兔索我遊我來曾幾何平隴搖
高楸一生短褐復何恨七十二君何處求

獨處怨

雨欵汝兮風颯空房間兮鳴蟋蟀猿啼侶兮鴻
索匹山蕭蕭兮木撼撼君不來兮日月疾

獻玉退怨歌

楚國有玉楚人無足玉能作石曲將爲直

士矢志操

龍失其家從者五虵艱難窘迫歸于大澤四虵有
土一虵無股

貞女引

翳女貞之樹兮尾生太之胡白日之操兮而使人
疑

當車已駕行

廣置酒讌上才歌亂舞錯行杯樂方變雜談諧英
辨發清風來激至思春容開俗士遠無嫌猜樂莫
樂傾金鼎

豫章行

豫章有神木大匠不敢伐材成動天地風雨相引
接入海作巨槎依傍日與月萬里揚洪波舟楫盡

汨沒中有千萬人倚我作磐石鯨鱣曳其尾蝸象
相辟易根在豫章山不枯亦不槩豈如商丘樹軸
解避斧別

蒿里

茫茫過蒿里足停心不止問心何所之貧賤恨無
底神魂厭我苦倏忽捨之太太奈何誰不歸
此處

薤露

紅日猶未出薤露已先晞貌晝不如朝默默太不

知公日等一夢彭死同殤悲生時願登天一旦爲
土泥寥寥七尺地萬古無光輝人生未聞道何以
慰哀思

妾安所居

廣殿多秋風蟋蟀鳴幽闈欲下玉階行總是昭陽
月

邊城將

所貴千金劍能知分國憂玉門半夜火壯士一生
羞古來賤僥倖功實信難收但能如李廣何必在

封侯

日出入

白日行青天柰何不少畱陽烏何力不憚苦勞義
和何意鞭驅無休一升一沉日夜春秋使我少壯
幾時忽白頭驍馬臨河濱徘徊步局蹙英雄旣失
時願力不得展魯陽能揮戈遺闡肆荒舛三皇御
世公不再回彭祖大年終爲塵灰百川無心滔滔
東來酣歌擊鼓且爲樂西山明月生高臺

俠客篇

山谷集 卷二 五
少年俠客事遊冶腰中鹿盧紫驪馬章臺道上問
姓名傾心買醉垂楊下日暮還歸郭解家明日探
丸赤如火人生睚眦不可干長安豪吏烏知我貂
裘錦帶過夷門莫笑當年抱關者

善哉行二首

彈箏鼓缶未樂先憂譬如高木風吹不休穆穆良
日山春水秋歡燕未極悲思綢繆傾我金尊酒力
悠悠行唸坐嘯使早白頭生各有命亦不暇求人
有所得亦不暇愁我有一物先天地遊天地糜腐

不沉不浮

八極無霞月上瓊樹雲屏水幔皎皎如曙旨酒旣
御低歌徐舞燕楚佳人爭妍巧妬索笑薦鬢媚極
寵太停心漢佩悵望巫雨思作黃姑一近織女天
漢無舟佇立四顧四顧徊徨行子失路吾欲還家
逝將太女秘我精神蛻我思慮山風蕭蕭有悟無
語

滿歌行

長我日少少我日多茫茫百年到者幾何寸名尺

利爲人網羅善畏多憂駟馬則那唯有貧賤其樂
 無過晨鳥飛盡高枕庭柯清風窈窕白雲差峩採
 芝春麓垂釣秋波望花躑躅遇林婆婆寒加做褐
 雨負輕箠閱看朝樞未醉先歌裸葬不嫌官營其
 他

蜀道難

棧道窈窕劍閣巖岿熊坐豺嘯長蛇結盤行客墜
 涕愁聞啼猿不見蜀天子亦化爲杜鵑

猛虎行

猛虎不過市讒人多入耳猛虎身日老讒人舌日
 好身老尚有皮舌好將何爲

山人勸酒

相酌幽巖下白雲滿衣袂艸木報春秋日月紀時
 歲不解義農年安知秦漢世禍福不入懷酒中有
 真味借問山下人如何得長醉

長松標

雖無桃李愛猶然雨露同若逐春榮早抱恨寒風
 中

碣石篇

洋洋滄海東碣石何峩峩百川作臣妾日月搖光
波萬古自潮汐魚龍一何多依然包犧前不識有
網羅大哉浮海歎不果亦如何

秦女卷衣

冉冉鮫綃襦一卷九綢繆本得君王意秦宮一夜
秋

燉煌樂

漢室玉門關連年罷金鼓自有焉支山何愁學歌

舞

涼州樂歌

西風來白嶺秋色落紅泉日馳渥洼馬遊獵何翩
妍

戰城南

鼓闐闐戰城南白日慘晦風雪寒出入敵陣如飛
鳶刀折矢盡畱空拳今日報國塗心肝生不封侯
爲鬼雄夜夜大哭沙河中不有猛士棄身命那得
狐鼠居成功未央殿前昨獻捷誰人舞蹈受歌鐘

結襪子

男兒生不逢知己
曠昏口吃行步跬
沐猴跳趨衣
文繡空解響
弓那識士今朝
蒙君左右盼
憐我埋藏衆人裏
一時寶劍發
精光明日報
恩爲君死

董逃行

婉孌二八王孫
貂裘錦帶
翩妍驄馬
躑躅玉鞭
章臺道上遊盤
春風多情迴旋
其一歸來曲閣後園

春花千叢藏烟
垂柳嬉風
倒顛銀塘
湛湛月圓
移屏開幔捲簾
其二燕姬趙女
呈歡慙情
樂方百端

大婦敏健柔顏
羅敷夫婿雖賢
何如雨少交憐
其

三鴛鴦七十二
班聰明鸚鵡能言
鶯歌蝶舞燕喃
秦簫未斷楚絃
周郎善顧流連
其四嘉賓短榻長

筵獻酬紛還闌
干談士問答便便
三寸舌敵萬千
六韜五典爛斑
其五年至三十美髯
腰橫三尺龍

淵烽火忽接甘泉
天子聞鼓勃然
召見白虎殿前
其六一言地忽交
天擇日授節築壇
萬乘親餞國

門校尉長驅烏蘭
都護直指祁連
其七五更鼓角
闐闐日出大旗
飛翻先聲不用殺
殘蕭蕭萬里寒

原馬上賦詩百篇

其八

三十年來守邊戰場一變

桑田歲省億萬金錢昨日賜第長安今朝歸老玉

關

其九

劍履上朝至尊詔令圖形麒麟分土作誓

河山七子喉舌藩垣歸來金玉珊珊

其十六服

食求仙八十欲謝人間健步凌厲崑崙王母贈藥

一丸騎鶴千載來還

其十一

歡娛不及少年功未

成兮多讒東瀛何路漫漫顏生陋巷無傳誰不掩

涕潺湲

其十二

步出夏門行

孟門之險河陵其巔禹鑿底柱復闢龍門筋力一
盡古廟嶺岈蕩蕩康衢鼓腹此間堯舜不計太行
路難

帝王所居篇

平平大海百川之歸蕩蕩王都萬民所懷魏誇西
河吳起正對況於王者仁義為塞阿房長城秦氏
二世素題樸角伊祁以帝

報鯉

作書寄神龍好愛河中鯉相隔天與地與君本同

體報書與河鯉時時能念子羅網橫人世餘禍及
江水當我未化時寧不懼觸尾低翼沉淵中欲行
且復止孤潔不樂餌直待雲雷起

于闐採花

吁嗟于闐人採花識花好奈何魯國蘭空伍谷中
艸馨香不見掇尼父悲將老

吳趨行

五湖蕩日月萬古空濛濛泰伯讓天下文身投海
東柰何爭尺土七首出魚中不有延陵子感歎將

何窮

胥臺露

高臺一沒無年歲疎柳黃昏蟬嘒嘒當時越女舞
秋風零露溥溥染羅袂

秋歌

涼風散平野百卉多不芳誰謂天地心春華能久
長願言告君子庶幾保爾常馨香不消歇遲暮亦
奚傷

齊謳行

洋洋尚功國管晏霸圖尊泰山高萬仞一旦屬陳
田稷下多談士何如魯仲連斯人一去後東海自
潺湲

東門行

驅車出東門雨雪何霏霏寄語毋霏霏客子寒無
衣車遲遲顧徘徊我身瘦無力不能耕荷犁採薪
養母日暮薄炊母聞兒啼分半粥糜欲不爲吏不
能已將出門泣者誰貌纍纍室中妻君欲爲吏吏
不可爲今時重利而輕非君薄錢刀徒見訾聞有

疑中心悲一母不能養何以爲男兒人生各有命
黽勉且及時行行且思憂母腹饑母樂腹饑悲兒
不歸

車馬行

長安好車馬鷄鳴聲入雲薨薨似蒼蠅炎熱自成
羣紛紛趨董偃攘攘逐田蚡誰過翟廷尉那識李
將軍

從戎曲

上書不召見作吏羞雷同農圃非吾事杖策遠從

戎片言感知已
拔出萬人中
敵勢在方寸
屈伸若
神龍不用苦
爭鬪從容成
大功瑣瑣舊
儔輩看我
寶刀雄笑謝
萬戶侯布衣
尋赤松

入關

英雄識運會
壯志如鵬翰
封侯安足道
名等賀蘭
山男兒意願
得堪入玉門
關班超不投
筆兀兀老
儒冠

長歌行

西山有鳴鶴
高響入青雲
兩劍三尺長
雌雄猶未

分脫有不平
事如何堪贈
君尚阻風雲
會常恐白
髮紛幾人如
尚父八十遇
周文

煌煌京洛行

佳氣何蔥蔥
來自春陵中
昆陽黃鉞猛
高邑赤符
崇一時司隸
屬萬國舊章
同十一長安
主四七洛
陽宮卜龜同
召伯營邑似
周公鄩侯少
杖策密宰
老加封夏門
強項令鞍前
矍鑠翁共指
將軍樹羣
看鮑氏驄君
臣麥飯意故
舊客星通鼓
車乘駿馬
夜獵轉中東
崇儒新俎豆
宗周古辟雍
靈臺朝色

九谷集 卷二 五
好左个惠風濃洛水收瀍澗庭實會雲龍諸侯望
函谷萬歲祝高嵩不見雲臺將眉髮白英雄

大墻上蒿行

蒿根托墻上那得成林長下士守高節安能結卿
相和聖且三黜直道久矣喪麋鹿有古情待我南
山嶂

墻上難爲趨

爲人欲近帝何不自割勢君欲學倉公何不三折
肱君欲學封侯何不曲如鉤曲中更有曲侯印復

不足

吳歌二首

江水西悠悠聞君在上頭遡洄不可到自惜木蘭
舟

江水能歸海楚雲亦入吳欲知妾啼落爲聽白門

烏

白銅蹄二首

一嘶羣馬躍萬里來長風顧盼峴山頭知我是英

雄

渴飲漢西頭漢水爲不流餘波入江太猶載萬人
舟

堂上行

月出高堂上廣座列羣英豪人鼓齊瑟壯士奏秦
箏寸心一時會慨慷爲羽聲顧盼傾三爵劍舞起
縱橫男兒在此世誰能韜上鷹英雄有運會懷安
實敗名奇功不蚤立鵙鳩恐先鳴今日盡歡樂明
日東西征別離各努力遲暮豈無成

不式輕薄篇

生長五陵上少小好絃歌日日章臺道七貴相經
過鞍馬歸入門後園叢綺羅天子重彈弋我輩功
名多初若學魯儒抱恨將如何

逸民吟

躬耕力不足且復隱朝市抱關已無官甯勉宰百
里一室免啼饑遑恤折腰恥憂辱不入懷癡然將
沒齒許由得聞之庶幾不洗耳

少年時至衰老行

陸離三寸舌十五說侯王寶劍有雌雄出入懷中

光邂逅風雲會奮力方剛強從容定大策一舉落
纓槍笑謝通侯賞歸臥南山陽擊壤太平世鼓枻
入滄浪自古誰無老大羞奚足傷

采菊篇

采菊復采菊白茅結一束傾心持贈君柰何君不
欲早發多儔侶晚成歎孤獨終無桃李顏自媚西
山麓

登高臺

憂來天地局乘秋登古臺宮城盡芳艸六朝安在

哉悲風振寒原王謝不再來時危行路難壯志且
莫哀魯陽一揮戈白日爲徘徊誰道江漢波東流
不能迴

送歸曲

送客歸南海爲過素馨田牡丹非不艷安能如子
妍宛轉同心縷何處不可憐幸畱顏色在江上月
嬋娟

城上麻

不肯長平隰托根南城端孤高物所忌秋風多早

九谷集 卷二 五
寒女蘿寄喬木因緣入青天雲中誰不羨本性直
如絃

美女篇

秋月照寶瑟彈我長恨端朱顏在天末中路多險
艱江漢曲千迴終歸滄海間願得結相於遲暮亦
何歎

應龍篇

應龍潛淵底抱真如嬰兒若受任公餌何異鯨與
鯢一朝雲雷起膏澤從天垂一舒復一卷世人那

得知

幽蘭

芳蘭抱幽姿左右堪檻結柰何空獨守坐使馨香
歇

扶風歌

隴山高入雲嗚咽山頭水誰人將此聲吹入寒笳
裏浮雲塞野白日昏猛虎叫嘯長蛇蟠從來壯士
悲歌地落木西風五丈原

長安道

阿房三月盡爲灰未央宮闕鬱崔嵬野中綿蕞初
成禮新豐雞犬亦知歸安車陸賈瑟琴好僻處蕭
何第宅開莫道五陵佳氣盡終南還有綵雲來

悲歌

騏驥權奇志氣超忽思得龍友與之爲匹一受刻
羈鴛馬同櫪臨風悲鳴不願飲食卒欲去之恨無
羽翼苦哉苦哉日月促逼

烏栖曲

白日沉西風起雪飛慈烏挾子聊得一枝雖得一

枝毛羽離襪悵望羣鳥傍俛無歸

從軍行

馬上藻思雄早入將軍幕風雲一時起摩天有鷗
鷺大將重韜鈴奇功輕衛霍天子坐明堂酬勲五
等爵生受河山誓死畫麒麟閣

門有車馬客

門有車馬客玉貌氣崢嶸就我慷慨言知我有不
平生不在豐沛屠狗成功名又不早投筆萬里建
旄旌讀書二十載腹中如列星上策不召見尚不

如賈生狹斜好門巷藹藹多公卿中心不願畱驅
車歸柴荆妻子饑欲啼微尚不忍貞捨身入末位
百憂紛交并錢刀不在手孰辨涇與涇誓將棄之
去白眼無世情不有非熊夢垂釣老滄溟

獨不見

金井銀牀鹿盧轉上才傾國心相羨英英新月水
西頭半渡雲浮獨不見

江潭怨

千里尋春芳艸歇蠅螬橫天紅日沒吳洲楚岫荻

花殘且釣江潭待明月

半渡溪

鼓聲沉沉金聲起紅旗欲渡中復止捲地悲風鐵
馬嘶腸斷滔滔五溪水

燕燕于飛

啁啁咽咽紅襟燕毛羽離離尋故殿南臺芳艸起
東風吹入雲中何日見

送遠曲

華堂坎坎夜擊鼓絃急笙高月方午遊子今日萬

九谷集 卷二
里行滿座飛觴淚如雨起坐傾君金屈卮拔劍顧
盼爲君舞西風昨夜吹海濤江漢颯颯飛寒雨男
兒手握繁弱弓誰能鬱鬱老鄉土上客翻爲慷慨
聲班馬一嘶紅日曙

對酒歌太平

對酒歌太平對酒歌太平君王質樸過公卿公卿
廉潔官爵平諸邦豪傑作藩屏貴戚不費頻經營
各食其祿無侵陵守令雖貧不戰驚錢刀無力買
清名百姓一日飲三升

新成安樂宮

長安一日未央起日高黃道平如水晨鐘一聲聞
闔開鏘鏘佩玉鶴行裏聖人殿上鼓瑤琴搖蕩南
風幾千里鶯啼燕語百花香下詔多才宴栢梁安
得青鳥借羽翼一近龍顏稱玉觴皇帝陛下億萬
歲小臣執戟學東方

淥水曲

潮平岼澗山光蕩江南江北春無量棠舟桂槳木
蘭橈吳歌楚曲參差唱鴛鴦對浴青燕飛顛倒東

風自搖漾日暮佳人殊未來雲沉月出烟波上

遺所思

千年碧玉同心結關山莫致心煩
倦路遙何用贈遺君一片相思在明月

當欲遊南山行

南山春多蘭芷綠有美一人在空谷
風爲車兮雲爲屋江長漢廣洞庭波
欲渡不得憂如何

懷園引

奈何兮君不歸春風透迤桃李枝
曲池之水鯉魚

肥山雉離披兮雄挾雌野鹿鳴麕兮
猿夜啼石兮欹谷兮虧山泉激兮滴
澌濯足兮漪漪高枕白雲兮孤鶴于
飛胡舍此兮栖栖返而返而彼邦之
人兮忸怩而嗟咿君不歸兮將待誰

越城曲

畫閣朱欄十二曲翠帳流蘇春獨宿
杜宇無端學妾啼啼罷橫塘芳艸綠

西長安行

我所思兮西長安朱樓十二齊雲端
露白烏啼夜

九名集 卷二
欲殘纍纍牛女何闌干梧桐葉落金井寒月滿關
塞路漫漫秦箏不調趙瑟彈一彈中斷知音難

晚棲鳥

歸鳥爨爨梧桐暮明月流光入窻戶漁陽少婦上
高臺南望瀟湘杳無路羅幃無分理殘機羞織鴛
鴦空織素不及黃姑西隔河織女年年一回渡

秋風

白雲遲遲隔中渚有美人兮無處所寂寞西風又
一度梧桐一聲衆芳暮

霹靂引

百里迤仄電橫雨塞樹木冥晦日月愁黑虎嗥夔
跳山鬼隻立白波成山長鯨怒翼蛇敢龍鬪龍志
未得

當事君行

桃李芳菲三月青松不爭榮百舌東風嫵婉鳳鳥
不齊鳴時危始辨忠直何如當太平拙者十年不
調巧宦一朝成

短歌行

黃唐遠矣世橫網羅猛虎伏道短狐射波人生此
間憂患實多今日無事進酒新歌卑位代耕無歎
蹉跎八尺之蔭可以婆娑多營召愁白髮柰何

升天行

西有隴棧北有太行南有五溪東有滄溟人處其
中習以爲情五嶽日薄至人不生欲騎青龍遊于
九蒼此邦之人如義如黃雖有金玉不作歿祥流
眄八極下視三光千秋萬歲其樂未央

劉生

白馬帶吳鉤翩翩本姓劉朱家憐季布劇孟動條
侯月出橫賓榻花開結冶遊狹斜那肯住大道起
紅樓

登山曲

欲歸不可得聊且登高岡邂逅雙鷓鴣啼我淚蒞
蒞我家白雲麓春多芳艸長此時木綿開丹霞蔽
山陽年年海燕來作巢文杏梁戰場已兩載安知
存與亡

汎水曲

汎舟秦淮口徘徊臨大江大江何蕩蕩中有神龍
藏高風激萬里白浪如雷鳴赤日海潮上洪濤來
廣陵鯨鱷盡辟易白雲上穹蒼惜哉我舟小欲濟
苦無梁

郤東西門行

王粲已依劉登樓且悲歎庾信亦開府惻惻哀江
南況余在羈旅離亂復艱難知己信難遇誰肯相
爲歡金陵春三月燕來鴈亦還鴈書不可得燕語
空喃喃此身將飛蓬泥路抑雲中

門有萬里客

何客急叩門本是故鄉里百日烽火中崎嶇歷荆
杞慙慙問室廬密密語城市憐我失路人縱橫無
一是別時君少年倏已成壯齒不須問明鏡吾老
可知矣

思歸引

公家不萬里那識百憂起公家不千日那識思儔
匹公家不憔悴那識心如醉公家不離亂那識肝
腸斷

同聲歌

好鳥鳴芳園倡予和者女足跡半天下寸心誰與
語三年阻離亂萬里作羈旅白雲滿故山能不思
儔侶

苦熱行

百粵最炎蒸夜半汗如雨居人已不歡況乃在軍
旅漢文下璽書南海作王土惆悵馬伏波艱難立
銅柱

悲哉行

平望極千里春風滿江介百水溢大川艸木何蒼
蔚好鳥啼高桑雙飛入雲裔萬物盡欣榮吾生獨
憔悴羈旅已五年憂患過一世關山尚烽火何日
收雙淚

南征曲

淚滴湘江水憑君向北流柰何東入海不得到幽
州

邊城思

夜夜戰城南不得悲別離負郤河梁語叮嚀長相

清楚引

楓林颯沓寒飈起鴻鴈淒淒渡江水高臺獨上慘
不歡望斷南雲幾千里男兒失志不可道羈旅多
憂令人老懷中寶劍有雌雄年年憔悴同秋艸

龍丘引

白雲離離川漠漠好鳥終朝戀長薄幾度佳期未
得歸沅芷湘蘭自零落

驚雷歌

雷逢逢兮電吸吸山風哮呶夜雨急龍鬣失窟白
波立鳥痛母兮鴻索匹

懷歸謠

受小官兮辭故鄉志不得兮家逢殃臨江漢兮渡
無梁南風雄兮多慨慷

鳴雁行

征鴻半渡江臯夜飛飛避雪羅浮下嘹嘹高響入
青雲湖山萬里誰彈射南海孤蓬逐北飛三年烽
火淚沾衣不知來歲蒹葭落江漢悠悠歸未歸

望城行

白雲山下五羊城三江之水連潮平
甲第紅樓映朝日綺衢三月盡
啼鶯南溟本是鯤鵬窟胡爲鯨
鯨來相奪楊僕樓船十萬師
陸賈書生三寸舌

憂且吟

樹上女蘿墻上艸根孤力弱難長好
那堪羈旅復亂離更有秋風使人老

共戲樂

隴頭流水空悲咽無復行人眼中血

三峽猿啼朝入暮不見斷腸在中路
五溪之水武溪深年年羈客不沾襟
當樽鼓缶太平時白頭不識生別離

吳楚歌

妾在吳兮君在楚採蓮花兮何處所
爾相思兮嗟白紵寄妾淚兮臨江渚
水不西流柰何許

江上汎歌

汎千里兮明月多秋風生兮水曾波
望美人兮天末獨鼓柁兮長歌

思公子

鳳凰臺上生秋風歸鳥啞啞金井桐可憐明月當
三五誰能獨坐繡屏東

春江行

珠簾半捲清波上怨妾樓中千里望夫君莫憶舊
時容江南多少桃花浪

隴西行

黃河遠出青山裏長城隱隱連雲起誰人城裏吹
寒笳年年東望隴頭水隴頭之水不堪聞征馬長

嘶悲失羣更有臯蘭今夜月令人腸斷霍將軍

濟黃河

洪波日夜急天地爲不寬白日何蕭條北風悲且
寒中流起商聲歌我行路難河清不可得倚劍望
雲端

江上曲

新艸如烟波泚泚江南江北春千里蝟蝟橫山起
晚風吳歌楚曲悲公子

王孫遊

九名集 卷二
山南山北百花發朝朝杜宇啼新血惆悵佳期不
見歸一年幾許春三月

雨雪

雨雪慘慘迷山谿萬里骸骨空中啼征馬聞之起
長嘶刁斗乍斷角聲低烽火忽在前峰西

寒苦謠

北風橫天夜雪急瓦飛木落冰山立羣鳥挾子欲
何棲茫茫江漢蛟龍蟄

長夜謠

鷓鴣鼓翼秋氣寒雲沉漢落宿闌干關山阻絕行
路難壯志不得空長歎

度關山

丈夫窮臥艸澤中陰符滿腹如曠輦時來時來只
自笑拔劍起舞辭蒿蓬張良韓滅終歸漢馬援西
遊還向東關山險阻誰不憚欲與天下成奇功北
風吹雪滿關山饑虎尚吼深崖間古來英雄亦如
此隱忍莫歎行路難

短簫

朱唇半感玉指急娥英夜半瀟湘泣壯士能爲慷
慨聲懷中雙劍雌雄立

羈謠

北風颯颯吹江滸酒闌拔劍爲君舞鵬鸚摩天離
下土何代英雄不羈旅

武溪深

武溪之水何潺湲欲渡不得傷心魂茫茫烽火幾
時斷朝朝暮暮空啼猿

飛塵篇

雞喔喔啼鸞鴛涇水忽清渭水濁一旦飛塵蔽華

嶽

城上烏

白門烏城上呼呼呼不成語聲似思儔侶六朝楊
柳今何處落日西風下禾黍美人遲遲柰何許

楚妃曲

洞庭葉落波聲湧楚王日出遊雲夢千乘齊驅過
疾雷旃旄騷殺空光動野火連山高入雲熊羆躑
躑中黃勇一聲鳴鏑落駿驥毛羽爲陵血作池弭

節收羅且容與燕姬趙女起歌吹復上龍舟張羽
蓋蕩漾微風獻水嬉黃陵廟前數軍實割鮮野宴
紛魚炙烽烟一起酒車傾君王大笑輕六國後宮
爭上萬年觴窈窕樊姬獨不食

南征閨怨

一片梧桐葉三年離別心誰家涼月下更奏武溪
深

春怨

三年五嶺戍夢裏總無津江南幾千里盡是斷腸

春

雲歌

浮雲鬱鬱潢汗自出牽儔連匹升天何疾不見須
更蔽白日

芳林篇

花林婀娜春千里吳國佳人楚公子江南江北兩
相思歎息芳華逐流水

聽鳴蟬篇

聽鳴蟬楊柳晚風前流連勝鶯囀幽咽過春鶉幾

聲斜日裏秋氣滿林泉不因飲露懷孤潔那得流
聲類管絃青樓少婦清歌發三度西風怨離別朝
朝粧鏡起秋塵夜夜歌屏掩明月半倚欄杆試一
聽桃花亂墜巾中血更有長門宮裏人曲池顧影
兩眉鬢彩蟾二八難長滿青陽九十不重春借此
哀音裁妙曲斜抱雲和奏幾巡漢家皇帝感新聲
延年女弟最傾城君恩未滿紅顏盡帳前燭影乍
分明玉堦寂寞虛房冷悲歌落葉難爲情多少英
雄困羈旅不遇知音誰與語雙劍雌雄悲自鳴三
年烽火家何處蕭條古道斷腸聲江漢悠悠淚如
雨豐沛功名不可當一時豪傑盡南陽釋之十年
不得調顏駟三朝尚作郎寒林一響清霜急明鏡
今朝白髮長休歎息羅浮側巖可棲力可食蝴蝶
夙同遊長沮舊相識一鳴卻炎暉再鳴催婦織三
鳴月照秋山色

遠遊篇

短狐巧射鴟鴞怒欲向滄溟尋古渡建德城池今
已非三日五日生毛羽七日九日全天宮闈無人

九谷集 卷二
焉若平路開心稽首告后帝荅我不以貧賤故羣
仙謂我身羈孤居以瓊樓妻玉女朝吹嬴簫暮姚
瑟嬾婉蛾眉不知妬凡躬奮發報知已聚斂和風
散靈雨碧桃花開宴帝庭閒說人間恨千古當年
楚國有三閭終日問天天不語

驄馬

隋家有馬獅子驄其初來自大宛國昂昂神氣深
自負不向庸夫受羈絡殿前鷲猛裴郎將鞭鞚不
用翻身躍馬乃甘心服鏤渠朝發長安暮東洛義

寧之亂遂散失世無識者遭零落太宗憐才及於
馬紫宮傳敕慙勤索得之朝邑百姓家連錢憔悴
容寂寞一見太宗爲悲泣濯龍十驥同恩澤此後
復還至尊側得從鑾輿出長樂是日行過新豐市
西望長嘶幾騰躡龍顏大喜賜鍾乳叱撥駒駘皆
辟易生有五子亦千里兩朝顧盼皆伯樂天生英
雄自有用莫歎亂離愁落魄

燕自南田莫漢屬瀛嶽蒸餽

籍易坐位正午亦千里兩障屬嶺峯山梁文生英

西壘身湖溪瀾瀾歸騰大青嶽嶺峯山梁文生英

斯靈至尊則於嶺靈輿出吳樂古自於嶺海豐中

各寐寔一良太宗為上故謂嶺下嶺山也嶺山嶺

嶺嶺宮嶺嶺嶺嶺嶺嶺嶺嶺嶺嶺嶺嶺嶺嶺嶺嶺嶺嶺

嶺嶺嶺嶺嶺嶺嶺嶺嶺嶺嶺嶺嶺嶺嶺嶺嶺嶺嶺嶺



